

مجموعه ابو الخضر

ماسوا شائبه سندن دلی تطهیرہ چالش
بر تو حکمت و عرفان الہیہ تصویرہ آتش

علوم و معارف دین بحث ابدیہ و ہر ماہ عربی ابتدا سیلہ اون ہشتادہ نشر اول نور مجموعہ عدد در.

جزو ۳۱ - جلد ۳ [فی غرہ ربیع الآخر سنہ ۱۳۰۰] نصفہ سی ۳ غروش

قوم بنی اسرائیل

[مابعد وختانی - عن جزو ۳۰]

یهودیلرک پریشانلغه دوچار اولشنه نبوت حضرت مسیحی تصدیق ایتمه لری سبب اولدیغی ادعا اولنمش ایسه ده حقیقت حال ایله بو ادعا بنی هیچ بر وقت قابل توفیق دکلدر . چونکه یهودیلرک میلاد عیسادن بر خیلی سنه لر مقدم روی ارضک اوزمانلرجه معلوم اولان اکثر جهاتنه طاعلمش اولدقلری نزد تاریخ شناسانده معلومدر .

بابل حکمدارلرندن [تغلانفلاसार] و [سلمانصار] طرفلرندن اسباط بنی اسرائیلدن فراتک ماوراسنه سوق و تبعید ایدیلان اون سبطک تکرار وطنلرینه عودت ایتمش اولدقلری حقننده کتب اسرائیلیه ده صراحت دکل ضمنی بر اشارت بیله یوقدر . بالعکس سبط یهود و سبط بنیامینی تکرار قدسه اعاده ایدن سیروس نام حکمداردن آلتی عصر صکره تألیف اولنان « نقلیات حواریون » نامنده کی کتابده حضرت عیسانک رفعندن الی اوچ کون صکره « پانته قوت » یور . طیبی ایچون دنیانک کافه ممالکنندن برچوق یهودینک قدس شریفه عزیمتله اجتماع ایلدیکی مسطوردر .

[سن - ژاق] طاعلمش اولان اسباط اثنا عشریه نامه تحریر وارسال ایلدیکی کی مؤرخیندن ژوزهف وخیلون دخی زمانلرنده یهودیلرک عموماً ممالک شرقیده منتشر اولدقلرینی ذکر ایتشلردر .

فی الحقیقه بر قاج روما ایمراطوری زماننده یهودیلر حقنده اجرا ایدیلان قتل عاملر درخاطر ایدیلیر ایسه بونلرک زمانمزه قدر ابقای نسله موفق اوله لرینه و باخصوص صور تکرارلینه تعجب ایدیلیر .

حال بوکه یهودیلرک ابقای نسللرینه خصوصات آیتنه نک پک بولک دخلی واردر :

اولاً، بوملتك استعمال سلاحدن نفرتلری، ثانیاً ازدواجه اولان رغبتلری، ثالثاً ازدواجه عقیب بلوغده مسارعتلری، رابعاً طلاق حقنده کی احکام دینیدیه رعایتلری، خامساً هر درلو احتشام وطنطنه دن عاری بر معیشتله برابر سعی واشتغاله مواظبتلری در .

یهودیلاک مذهبلیرینه اولان رعایتلرینی تعریفده صلابت وتعصب تعییرلری بیله کافی دکلدر . بونی ایسه هر حاللری اثبات ایدر . بناءً علیه وقتيله كرك اصنام پرست و كرك مؤخرأ خرسیتیانلردن کورمش اولدقلری تضییق ملت مرقومه دین احکام دینیلرینه اتباعده مرتبه افراطه واردرمش و بقای قومیتلری دینلرینه اولان رعایت متجددانلری سایه سنده میسر اولمشدر .

بالاده دخی سوق افاده ایله بیان اولنسیدیغی اوزره یهودیلرک ادیان سائر حقنده اولان نفرت وعداوتلری عالمده حکمران اوله جق ملتک ملت اسرائیلیه ایدوکی حقنده کی اعتقادلریدر که بوکون کافه ادیان اربانه و باخصوص خرسیتیانلره والده سنه عاصی اولمش اولاد نظریله باقوب نفرتلرینی دخی او نسبتده ایلری کوتورمکده درلر .

یهودیلاک میلاد عیسادن بر قاج یوز سنه مقدم بعض هاتقاری طرفندن خبر ویریلان مصائب مستقبلیه اینانمش و بومصائبک باعثی اسرائیللردن ظهور ایده جکنه اعتقاد ایتمشلر ایکن مصائب موعوده خرسیتیانلر طرفندن دین عیسویک منافی نامنه حصوله کلمشدر . یعنی اسپانیاده تأسس ایدن انکیزیسیون جمعیتی یهودیلر حقنده انواع مظالم اجرا ایتدکن صکره جهله سنی اسپانیا قطعده سندن طرد اولمشدر .

هیچ بر طرفدن برکونه معاونت کورمکسزین و فتون حریسه ده دخی ولو مدافعه نفس ایله جک قدر اولسون بهره حاصل ایتمکسزین مملکتدن مملکته سرسریانه طولاشغده واستحصال معیشت ایچون الک خسیس وسائطه بیله مراجعته مجبور اولدیلاک .

بناءً علیه اوروپالیرک کورانہ بر جہل و تعصبہ مظالم و حشیا۔
نہدن بشقہ بر شیئہ قادر اولہ مدقلری و باخصوص اہیت تجارتدن
غافل اولدقلری عصرلرہ یہودیہلر باز رکانلغہ سلوک ایلہ بالتدریج کسب
ثروت و سامان ایشلردر . یہودیہلرک مہارت و اقداملری سایہ سندنہ
کتدجکہ تزیید ثروت ایتقلری فرنکلرک سائقہ حرص و آزار ایلہ بغض
و عداوتلرینی جلب ایتسیلہ قراللر کندی تبعہلرینک کیسہلرینی قارشیدر۔
مغہ موفق اولدقلری زمانلرہ تبعہدن عد ایتدکلری یہودیہلری
اشکنجہیہ القا ایلہ آنلردن پارہ قوپارمغی اعتیاد ایشلر ایدی .

یہودیہلرک یالکز انکلترہدہ دوچار اولدقلری بلیات نظر تأملہ
آنیدیغی حالہ ممالک سارہدہ نہ یولدہ معاملہلر کورمش اولدقلرینہ
سہولتلہ حکم اولنہ ییلیر .

انکلترہ قراللردن [ژان] پک زیادہ دوچار مضایقہ اولدیغی
برکوندہ دائرہ حکومتندہ بولنان یہودیہلرک عموماً تحت توقیفہ آلتہلرینی
امر ایدر . بوملتک افراددن ہر ہانکیسی اولورسہ اولسون مجرد
عقوبت موعودہی موقع اجرادہ کورمدجکہ اک مشروع برتکلیفی بیلہ
قبول ایتک شانسدن دکلدر . چونکہ یایقرہ و شماتت و اظہار جزع
و سفالت عندلرنہ ہر بلادن خلاص ایچون چارہ سلامتدر . بناءً علیہ
بونلرک اک متمولی حقندہ اشکنجہ اجراسنہ مباشرت اولنور . دیشاری
برر برر سو کولمکہ باشلار؛ یہودی ایسہ ہر دیشی سو کولدجکہ یالکز
یمینلر، قسملر ایلہ ہیچ برشیئہ مالک اولمیدیغی تأمینہ چالیشیر . بومنیوال
اوزرہ یدی دیشی چیقاریلیر؛ سکزنجیسنده اضطرابنہ تحمل ایدہمیدرک
پک مارق (یعنی بش پک بشیوز غروش) ویرمکہ موافقت ایدر !
ماتیو پاری نام مؤرخ دیرکہ:

« انکلترہ قرالی اوچنجی ہازی [ایورق] شہرندہ ثروت
و سامان ایلہ شہرت بولمش آرون اسمنده بر یہودی بی استخبار ایلہ

پای تحتنه جلب ایده رک کندی ایچون اون درت بیک وقرایچه ایچون
اون بیک مارق اعطاسنه اجبار ایلر .

حکمدار مشارالیه بووجهله صویدیغی یهودیلری کندیستندن
دها آزه قناعت ایدن و فقط پاره تحصیلنده دهها ماهر اولان برادری
ریشاره برسته ایچون بر مبلغ مقابلنده صاتار ایدی .
وولتر لغت فلسفیسینده دیرکه :

« فرانسه ده یهودیلر حقننده روا کورلماش و مسوق اجرایه
قونماش ظلم یوق کبیدر . چونکه خلق و حکومت یهودیلری سحر
وسرقت اطفال و تسیم میاه مثللو اهانت و جنایتلرله اتهام ایدرک
حبسلره آتار و ماللرینی مصادره وازواج واولادینی اسیر و فروخت
ایدرلر ایدی . بعضی کرده مقتول و تاجر یهودیلری فرانسه طور اغندن
طرده ایدرلر ؛ و بر چوق پاره مقابلنده تکرار عودتلرینه مساعدده ایلرل
ایدی .

« یهودیلر فرانسه ده اقامته کاه مأذون و کاه یجده ده بو حقدن محروم
ایدیلرلریدی . مأذون اولدقلری زمانلرده ایسه اهالی سائره دن فرق
اولنمق ایچون طرف حکومتدن تعیین اولنان صورتده بر علامتی
حامل اولورلر ایدی . هله شوراسی اغریدرکه مثلا اسپانیاده خرسیتیانلغی
قبول ایتمیان یهودیلر آتشدن یا قلدیغی حالده فرانسه ده بالعکس خرسیتیانلغی
قبول ایلمیان یهودیلرک ماللری مصادره اولنور و کندی حبسه و اولاد
و عیالی قید اسره کرفتار ایدیلریدی . نهایت آنجی شارل ۱۳۹۲
نیسانینک دردنده (پاسویل) ده اصمدار ایلدیکی بر اراده ایله اشبو
قاعده مکر و هدی فسخ و الغا ائلشدیر .

« بنه دیکت صنفه منسوب اولان مایلون نام راهبک قولنه
اعتماد اولنورسه عادت مجوٹ عنهانک اجراسی ایکی سببه مستند ایمش :
برنجیسی ، یهودیلرک منافع دنیویه ایچون لفظاً خرسیتیانلغی قبول ایتلری

ملفوظ اولسندن عیسویته سلوک ایدنلرک درجه اعتقاد وصلابتلرینی
بو وجهله محک تجربهیه اورمق مقصدیه ایش .

ایکنجیسی ایسه یهودیلرک ثروت مکتسبلری ریح و نغا قبیلندن
اولان معاملات حبسیسه ثمراتی یعنی نامشروع صورتده قزانش
اولدییی ایچون صفوت کامله عیسویت مکروه بر یولده قزانش اولان
اموالک اصحابنه اعاده سنی امر ایلر ایش .

« حال بوکه سندرجه یکدیگرینی ولی وتولید ایلیان فائضلردن
تراکم ایش اولان نقودک اصحابینی بولمق کراماته محتاج اولسندن کلیسا،
خرستیانلغی قبول ایش یعنی لوث اسرائیلیدن معنی تطهر ایش اولان
یهودیملری ماده دخی علائق دنیویه نك امروددی اولان مکتسبات
ردیسه دن قورنارمق ایچون اشبو مصادره اموال طریقنی کشف
واختیار ایش در!

« حاصلی یهودیلر هر مملکتدن مظهر طرد اولدقلری حالده ینه
محافظه ثروته موفق اولدیلر . ۱۳۱۸ سنه سننده فرانسه دن طرد
ایدیلان یهودیلر لومباردییه التجا ایلدیلر؛ واوراده بعض تجاره وکا -
لتنامه یوللو تذکره لر اعطاسبله فرانسه ده بعض اصحاب ناموسه تسلیم
ایش اولدقلری ماللرینی جلب ایتدیلر .

ایشته یهودیلر بوتذکره لرله (پولیچه) و (قامی یال) دنیلان حواله
سنداتی ایجاد ایشلر در .

§

فی الحقیقه ملت اسرائیلیه نك همان یکرمی بش عصردن بری
کورمدکلری اذا و محنت قالماش ایسه ده اکثر مال واقوام طرفندن اکثر
اوقاته وحالا زمانمزده مثلا روسیه وحقی آلمانیاده ببله دوچار اوله
کلدکلری معاملاتک سبب وعلتی ینه کندی اخلاق واعتقادلریدر .
چونکه اسرائیلیلرک اعتقادنجیه دنیا وما فیها آنجق کندیلری

ایچون خلق اولمشدر . نه قدر مدنی ، نه قدر ذکی ، نه مرتبه درده
حقایق شناس بر یهودی اولورسه اولسون حین صباوتندن بری پدر
ومادری طرفندن سمعه القا ایدیلان بو درلو موعظه لر قلمبنده بر نهال
اعتقاد پیدا ایتکله کندیسيله برابر بیویه بیویه نهایت بردوحه قویه
الاغصان حکمنی بولور . بناء علیه بر کره کوکشمش اولان بو شجره
اعتقادک نه تنباد معرفت ونه ده کردباد مدیتله خلع واستیصالی قابل
اولدیغندن اک حق شناس طانیدیغمز بر یهودی یله صره سنی دوشور-
دکجه منافع ذاتیه اوغورنده هر درلو خاطره انسانیت لازمه فضیلتی
ترك ایتکدهدر .

هله فضائل انسانیهدن تمایله بخبر اولانلری - چونکه اعتقاد-
لرنجه یهودی یرادلیانلرک یدنده بولنان ثروت ونقود ذاتاً یهودیلرک
اموالندن معدود اولمسنندن - مشروع ونامشروع هر نه صورت
وطریق ایله اولورسه اولسون اموال ناسدن استفاده بی مظفرباتدن
شمار ایتکده وبوسبيله هر درلو وسائط خسیسه وردیشه نک استعمالنی
صواب عد ایتکدهدرلر . ایشته فانضجیلک ، مراتبجه جلیق واعمال
دسایس وخیل هب بواعتقاد نتایجندن وکندیلرینک اوغرا دقلری
حالات متأسفه ایسه او اعمالک اجناسندن اولدیغنی بی اشتباهدر .

آلات کتابت

[ما بعد عن جزؤ ۳۰]

حتی بعض کتابلرک روایتنده نظراً بومثلاًو کوموش قلمر ده
برچوق اماکن روحانیده استعمال اولمشدر .
اون دردنجی عصرده بعضاً حدید و بعضاً دخی نحاسدن
معمول قلمر قولاندیغنی فقره آیه تاریخیه ایله مستدلدر .
[روبه رت دارطوآ] نامنده ذادکندن بری بعض آمال غیر